

Handwritten: Anno 1719. Tomo. 1. Tit. 1. H

TITVLORVM

OMNIVM IVRIS

TAM CIVILIS,

QVAM CANONICI

expositiones,

SEBASTIANO Brant. I. V. Doctore
celeberrimo, Autore.

HIS ACCESSIT

*Modus studendi in utroque iure per Ioannem
Baptistam Caccialupum.*

Omnia ad veterum exemplarium fidem nunc vltimum
diligentissime repurgata: adiectis insuper ad
singulos Titulos suis numeris.

~~ad delat. etc.~~
IN VIRTUTE



ET FORTVNA.

LUGDVNI,

Apud Hæredes Gulielmi Rouillij,

SVB SCVTO VENETO.

M. DC. XIX.



SEBAST. GRYPHIVS
*studiosis Iurisperdentiae
 Candidatis S.*



V M aliquot iam annos pro suscepta ab ineunte
 aetate vitae meae ratione, in recognoscendis vete-
 rum scriptis, summa fide, diligentiaque sum versa-
 tus, non alienum ab instituto meo facturus vide-
 bar, si meliusculè iam habentibus humanitatis studiis, vestra
 causa paululum à consuetudinis meae curriculo deflecterem,
 primisque etiam Iurisperdentiae progymnasmatibus aliquid
 opis, afferre conarer. Neque enim satis fideliter vestris studiis
 consuluissem, si quos à triualibus adhuc gymnasiiis versantes,
 commodis semper armis instruxissemus, eosdem nunc grauior-
 ribus disciplinis mancipatos, destituissemus intermes. Porro
 quemadmodum non ita multum interesse putamus, inermisne
 miles in aciem prodeat, an eiusmodi armis instructus, quibus,
 cum res exigat, salutem tueri non possit: ita non magnopere
 referre putamus, omnino prorsus librorum supellectile desti-
 tuamini, an corruptissimis istis editionibus, hoc est, meris inge-
 niorum crucibus, prodeatis instructi. Proinde cum non ita pri-
 dem in haec Titulorum Iuris enucleationes incidissem, vti-
 lissimas quidem illas, ceterum multis mendorum millibus in-
 dignissimè conspurgatas, rem vobis non ingratham me facturum
 arbitrabar, si omnes ingenij neruos in hoc vnum intenderem,
 vt opus hoc vestris studiis aqua & igni magis necessarium,
 quam exactissimè restitutum, ornatisissimisque typis excusum,
 in publicum exiret. Qua quidem in re si nostram vobis
 operam non ingratham fuisse intellexerimus,
 non patiemur in posterum quidquam
 in hoc genere diutius à nobis
 desiderari. Valete.



IN TITVLORVM IVRIS

INTERPRETATIONEM, AD

Doctorem Andræam Helmut, Seba-

stiani Brant Præfatio.

HORET admiratione dignum, ornatissime vir,
vtrumque eloquentiæ & facundia columen, ac
longè princeps, cur ego adolescens, nullius periti-
æ, aut artis bona gnarus, hanc mihi vsurpem
provinciam, ut ausim non modo de iuris principiis, sed &
maximè ad te virum omnium accuratissimum scribere, cuius
domi iura nascuntur. Noctuas profectò Athenas fero. Et,
ut apertius loquar, balbutiens ego, iudicari potius abs te,
quàm videri volui. Quamobrem cum te novissem virum hu-
manum, ac perdoctum, mihiq; fauentissimum: sumpsi ani-
mum, liberiusq; meas ad te lusi pueriles ineptias. Cum enim
nuper inter auditorum gregem, velut alter Tityrus (ut so-
leo) hoc est, mercenarius, legum Titulos, seu manus Rubricas,
totius iuris & legitime scientiæ primordia & elementa in-
terpretarer, factum est, ut me inconsulto ex mea lectione (seu
Tages ex globula) opus insperatum, & fortè suo non indi-
guum autore, prorupit. Quod cum ego planius eliminare, seu
fortè superflua, aut perperam posita interlinire properarem,
impressorum importunitas (quibus nihil satis festinatur)
meam interuertit diligentiam. Quid multa? continere non
potui equum Lydum ad currendum accinctum: acta res est
vni vides. Tibi tamen vni vides. Tibi tamen viro celeberrimo,
quem haud abs re Aulum Cassellium, vel Messa-

omnia concludamus verbo, satius, ac satius è re foret, omnino reticere, quàm parum de eius laudibus loqui: ut Seruius noster Honoratus de Carthagine inquit. Tu tamen vir Iureconsultissime, qui totius patrie nostra oraculum existis, si quid minus quàm oporteat, ampliùsve quàm deceat dixerimus: tua presentia, & repetita lectione illustrabis.

Viue, vale, & superes longæui Nestoris annos,
Eloquij princeps Scæuola docte, Vale.

*Basilea ex adibus nostris Calend. Maij,
Anno M. CCCCXV.*



EXPOSITIONES TIT.
VTRIVSQUE IURIS,
PER SEBASTIANVM
BRANT.

VM difficile, imò impossibile sit, vt bono peragantur exitu, quæ malo sunt inchoata principio, j. q. j. cap. principatus, & vniuscuiusque rei potissima pars sit principium. l. j. ff. de orig. iu. Magnum igitur Deum, & saluatorem nostrum Iesum Christum, & eius auxilium inuocantes, in Auth. de ar. in prin. oportet iuri operanti daturus prius erudire animam quàm corpus in proæ. ff. §. illud, & istud sibi ponere principium, sine quo totum corruet ædificium, j. q. j. cap. cum Paulus ac dicere cum Marone Virg. Ab Ioue principium. gloss. in c. sedes. de rescrip. Aliàs enim præposterus diceretur ordo, deficiente humano subsidio, conuocare ad auxilium diuinum, de Con. dist. j. c.

MODVS STVDENDI
IN VTROQUE IVRE,

IOAN. BAPTISTÆ
DE GAZALVPI S.

Um expurgaueritis vetus fermentum, & iam sitis noua conspersio, vt opinor, in azymis sinceritatis & veritatis, in quo statu vos conseruet clementissimus Deus: visum est mihi scienti utilitatem vestram, tempus esse conueniens, quo studiosis anxie diligentibus religionem iuris ciuili, rectam callem ostendam, quo gressu eorum dirigam, & viam aperiam, per quam ambulent, non in tenebris, sed in luce, ad illam legalem sapientiam capeffendam. Dicam igitur quæ sentio, & pro utilitate vestra fideliter loquar, quasi mihi ipsi consilium dans,

DOCUMENTVM I.

*Anima
purganda
& con-
scientia.*

Uicunque cupit iuri operam dare, sit circumspectus infra scriptis. In primis bene, & diligenter præparet animam suam, confitendo peccata sua integrè, & satisfaciendo pro commissis: vt sic Spiritus sancti gratia, omnem habens virtutem, & omnè scientiam inueniat receptaculam mundum, & tribuat plenam perfectamque scientiam: nam quicquid alibi quæritur, hic perfectius inuenitur, xxxvlij. dist. c. legimus, §. sed e contra, in fin. Istud est potissimum & primum consilium quod dedit venientibus ad studium venerabilis doctor Guiliel. de monte Laud. in clemen. j. de magistris, subdens, quod scholastici qui ad quamuis scientiam approbatam transeunt, & die noctuque torquentur, in vanum laborant, nisi Dei gratiam habeant secum coadiutricem: quia vt dicitur Sap. j. In maleuolam animam non introibit sapientia, idem consilium dedit recolendæ memoriæ doctor dominus Simon de Bursiano, Cardinalis Mediolanensis, in proæmio Clement. dicens, quod scholaris non confidat in ingenij perspicacia, & capacitate, studij assiduitate, & memoriæ tenacitate, sed in eo spem ponat, qui scientiarum dominus est, in quo
stant